



ՍՈՒՐԲ ՋԱԿՈԲ

ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՑԻ

Յիշաւսկ Եղիս Մարգարէն

30 ՄԱՅԻՍ 2021

ԸՆԹԵՐՑՈՒՄ

ԹԱԳԱԼՈՐՈՒԹԵԱՆՑ ԵՐՐՈՐԴ ԳԻՐՔԵՆ
18.29-46

Կէսօրը անցաւ, եւ Բահաղի մարգարէները
շարունակեցին իրենց ցնորական
կանչութութքը մինչեւ երեկոյեան զոհը
մատուցանելու ժամը. բայց ո՞չ մէկ ձայն:

Այն ատեն Եղիա Թեսաբացի ըսաւ գարշելի այդ
կուռքերու մարգարէներուն.

- Հեռացէ՞ք այլեւս, հիմա ես իմ ողջակէզս
պիտի մատուցանեմ:

Եւ անոնք հեռու գացին:

Եղիա ժողովուրդին դառնալով ըսաւ. «Ինծի՛
մօտեցէք»: Եւ ամբողջ ժողովուրդը անոր մօտեցաւ:
Եղիա Տիրոջ կործանած սեղանը վերականգնելու
համար տասներկու քարեր առաւ, Յակոբի
որդիներէն սերած ցեղերուն թիւին համաձայն,
որուն Աստուած խօսած էր ըսելով. «Իսրայէլ պիտի
կոչուիս», այդ քարերով սեղան մը կանգնեց Տիրոջ
անունին, եւ անոր շուրջը փոս մը փորեց, թիթեղ մը
սերմնցու տանելու խորութեամբ: Ապա փայտերը
սեղանին վրայ շարեց, զուարակը կտոր-կտոր
ընելով փայտերուն վրայ դիզեց եւ հրամայեց.

- Զորս սափոր ջուր բերէք եւ ողջակէզին ու
փայտերուն վրայ թափեցէք:

Ապա ըսաւ. «Կրկնեցէ՞ք նոյնը»: Եւ անոնք
նոյն ձեւով կրկնեցին: «Երրորդ անգամ ըլլալով՝
կրկնեցէ՞ք նոյնը», ըսաւ ան, եւ երրորդ անգամ
մըն ալ այնպէս ըրին: Զուրը սեղանին շուրջ
հոսեցաւ եւ լեցուց փոսը:

Երբ երեկոյեան զոհը մատուցանելու ժամը
հսասւ, Եղիա մարգարէ սեղանին մօտեցաւ եւ
աղօթեց աղաղակելով.

- Ո՞վ Տէր, Աբրահամի, Խաչակի եւ Յակոբի
Աստուածը, ցո՛յց տուր այսօր թէ դո՛ւն ես
Խսրայէլի Աստուածը եւ ես՝ քու ծառադ, եւ թէ
քեզի համար ըրի այս բոլորը: Լսէ՛ ինծի, Տէր,
պատասխանէ՛ ինծի կրակով, որպէսզի այս
ժողովուրդը գիտնայ թէ դո՛ւն ես Աստուածը,
ո՞վ Տէր, եւ դո՛ւն ես որ ետ քեզի կը դարձընես
իրենց սիրտը:

Այն ատեն Տէրը երկինքէն կրակ դրկեց, որ
այրեց ողջակէզն ու փայտերը, քարերն ու
հողը, եւ լափեց փոսին մէջ հաւաքուած ջուրը:
Ասիկա տեսնելով՝ ամբողջ ժողովուրդը երեսի
վրայ գետին ինկաւ, ըսելով. «Արդարեւ Տէրն է
Աստուածը, Տէրն է Աստուածը»:

Եղիա անոնց հրամայեց. «Բոնեցէք Բահաղի
մարգարէները. ոեւէ մէկը ողջ չմնայ»: Եւ
ժողովուրդը բռնեց զանոնք: Եղիա զանոնք Կիսոն
կոչուած հեղեղատը իջեցուց եւ հոն կոտորեց
զանոնք:

Այնուհետեւ Եղիա Աքաաբին ըսաւ. «Գնա՛
հիմա, կե՛ր եւ խմէ՛, որովհետեւ մօտալուտ
սաստիկ անձրեւի ձայն կ'առնեմ»: Աքաաբը
ուտելու եւ խմելու գնաց, իսկ Եղիան Կարմեղոս
լերան գագաթը բարձրացաւ, մինչեւ գետին
խոնարհեցաւ ու դէմքը ծունկերուն մէջ առաւ,
եւ իր ծառային ըսաւ. «Գնա՛ եւ ծովուն կողմը
նայէ»: Պատանին գնաց նայեցաւ եւ ըսաւ. «Բան
չկայ»:

- Դարձեալ գնա՛, - ըսաւ Եղիա, եւ եօթն անգամ
պատանին ետ գնաց: Եօթներորդ անգամին
պատանին ըսաւ.

- Ահա մարդու մը ձեռքին չափ փոքրիկ ամպ
մը կ'նելէ ծովէն:

Այն ատեն Եղիա ըսաւ.

- Գնա՛ եւ Աքաաբին ըսէ՛. «Կառքդ լծէ՛ եւ
տունդ դարձիր որպէսզի անձրեւի չբռնուիս»:

Շուտով երկինքը ամպերով մթնցաւ. հով
ելաւ եւ սաստիկ անձրեւ սկսաւ: Աքաաբը իր
կառքը հեծաւ եւ Յեղայէլ փութաց: Տիրոջ
զօրութիւնը օգնեց Եղիայի, որ պարեգոտը մէջքին
ամրացնելով վազեց եւ Աքաաբէն առաջ մտաւ
Յեղայէլ քաղաքի դռնէն:

ԸՆԹԵՐՑՈՒՄ
ԹԱԳԱԼՈՐՈՒԹԵԱՆՑ ԶՈՐՌՈՐԴ ԳԻՐՔԵՆ

2.1-15

Երբ հասաւ ժամանակը, որ Տէրը մըրիկով
երկինք պիտի բարձրացնէր Եղիան, Եղիա
եւ Եղիսէ Գաղգաղայէն մեկնեցան: Եղիա

Եղիսէին ըսաւ.

- Հո՛ս մնա, Տէրը զիս Բեթէլ կը դրկէ:
- Եղիսէ պատասխանեց.
- Վկայ ըլլայ ապրող Տէրը. կ'երդնում քու կեանքովդ, թէ պիտի չժողում քեզ:
- Բեթէլ եկան: Բեթէլ բնակող մարգարէները խումբով եկան Եղիսէին եւ ըսին.
- Գիտե՞ս, որ Տէրը այսօր քեզմէ պիտի առնէ Եղիան՝ քու տէրդ:
- Գիտեմ, այդ մասին մի՛ խօսիք, - պատասխանեց Եղիսէ:

Ապա Եղիա Եղիսէին ըսաւ.

- Հո՛ս մնա, Տէրը զիս Երիքով կը դրկէ:
- Եւ ան պատասխանեց.
- Վկայ ըլլայ ապրող Տէրը. կ'երդնում քու կեանքովդ, թէ պիտի չժողում քեզ:
- Եւ Երիքով եկան: Երիքով բնակող մարգարէները խումբով մօտեցան Եղիսէին եւ ըսին.
- Գիտե՞ս, որ Տէրը այսօր քեզմէ պիտի առնէ Եղիան՝ քու տէրդ:
- Գիտեմ, մի՛ խօսիք այդ մասին, - պատասխանեց Եղիսէ:

Եղիա Եղիսէին ըսաւ.

- Հո՛ս մնա, Տէրը զիս Յորդանան կը դրկէ:
- Եղիսէ պատասխանեց.
- Վկայ ըլլայ ապրող Տէրը. կ'երդնում քու կեանքովդ, թէ պիտի չժողում քեզ:
- Եւ Երկուքը միասին դացին: Մարգարէներու խումբէն յիսուն հոգի հետեւեցան անոնց մինչեւ Յորդանան գետ: Եղիա եւ Եղիսէ գետեղրին կանդ առին, իսկ միւսները կանդնեցան քիչ մը հեռու: Եղիա իր վերարկուն հանեց, ծալլեց զայն եւ անով զարկաւ ջուրերուն: Ջուրերը այս ու այն կողմ բաժնուեցան, եւ անոնք երկուքով անցան ցամաք տեղէն: Երբ անցան, Եղիա ըսաւ.
- Եղիսէ՛, քանի դեռ հետդ եմ՝ խնդրէ՛ ինչ որ կընամ ընել քեզի համար:
- Խնդրե՛մ. մարգարէական հոգիէդ կրկին բաժին թող ժառանգեմ, - պատասխանեց Եղիսէ:
- Դժուար բան խնդրեցիր, - ըսաւ Եղիա, - բայց պիտի ստանաս զայն, եթէ տեսնես իմ Երկինք բարձրացուիլս. այլապէս պիտի չստանաս:
- Եւ մինչ խօսելով կ'երթային, ահա յանկարծ հրեղէն ձիերով կառք մը իրարմէ բաժնեց Եղիան ու Եղիսէն, եւ Եղիա մըրիկով Երկինք բարձրացաւ: Եղիսէ տեսաւ եւ աղաղակեց. «Հա՛յր, հա՛յր, ահա իսրայէլի կառքն ու հեծեալները»: Եւ այլեւս չտեսաւ զայն: Ուստի քաշեց, պատռեց իր վերարկուն, զայն երկու կտորի վերածելով: Ապա վերցուց Եղիայի վերարկուն, որ իր վրայ

ինկաւ, եւ դարձաւ Յորդանան գետին եզերքը: Առաւ Եղիայի վերարկուն եւ ջուրերուն զարկաւ, բայց անոնք չբաժնուեցան: Այն ատեն գոչեց. «Ո՞ւր ես, Տէ՛ր, Եղիայի Աստուածը», եւ դարձեալ ջուրերուն զարկաւ: Ջուրերը այս ու այն կողմ բաժնուեցան եւ Եղիսէ անցաւ միւս կողմ: Երբ Երիքովի մարգարէները դիմացէն տեսան զինք, ըսին. «Եղիայի հոգին Եղիսէի վրայ հանգչեցաւ»: Գացին դիմաւորեցին զինք եւ մինչեւ գետին խոնարհեցան անոր առջեւ:

ՅԱԿՈԲՈՍ ԱՌԱՔԵԱԼԻ ԸՆԴԱՆՐԱԿԱՆ ՆԱՄԱԿԻՆ

5.16-20

Qեր մեղքերը իրարու խոստովանեցէք Եւ իրարու համար աղօթեցէք, որպէսզի բժշկուիք. որովհետեւ արդարի մը աղօթքը ազդեցիկ է եւ մեծապէս կ'օգնէ: Եղիա մեզի նման կիրքերու ենթակայ մարդ էր. բայց Երբ աղօթեց որ անձրեւ չգայ երեքուկէս տարի չանձրեւեց Երկրի վրայ: Ապա դարձեալ աղօթեց եւ Երկինքը անձրեւ տեղաց ու Երկիրը իր բերքը տուաւ:

Եղբայրներս, Երբ ձեզմէ ուեւէ մէկը ճշմարտութեան ուղիէն մոլորի եւ ուրիշ մը յաջողի զայն վերադարձնել, գիտցէք թէ մեղաւորը իր մոլար ճամբէն դարձնողը թէ անոր հոգին մահուրնէ կը փրկէ եւ թէ իր բազմաթիւ մեղքերուն թողութիւն կը գտնէ:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԻՆ

ԸՍՏ ՂՈՒԿԱՍԻ

4.25-30

Uեր Տէրը Յիսուս Քրիստոս կ'ըսէ.-

«Զեզի օրինակներով խօսիմ: Խարայէլի մէջ բազմաթիւ այրիներ կային Եղիայի օրերուն, Երբ Երեքուկէս տարի Երկինքը չանձրեւեց եւ ամբողջ Երկրին մէջ սաստիկ սով տիրեց: Բայց Եղիա անոնցմէ ուեւէ մէկուն չըրկուեցաւ, այլ զրկուեցաւ Սիդոնի մօտիկ Սարեփթա գիւղը բնակող այրի կնոջ մը: Նոյնպէս, Եղիսէ մարգարէի օրերուն Խարայէլի մէջ բազմաթիւ բորոտներ կային, բայց անոնցմէ ոչ մէկը բժշկուեցաւ, այլ միայն Նէման անունով ասորի մը»:

Այս ակնարկութիւնները լսելով՝ ժողովարանին մէջ գտնուողները բարկութեամբ լեցուեցան: Ելան, Յիսուսը քաղաքէն դուրս հանեցին եւ գահավէժընելու նպատակով զայն տարին մինչեւ կատարը այն լերան, որուն վրայ շինուած էր իրենց քաղաքը: Բայց Յիսուս անոնց մէջէն անցաւ գնաց: